



Broj: 01/15-02-762/26-2
Sarajevo, 11. 3. 2026. godine

PARLAMENT FEDERACIJE
SARAJEVO

Primljeno: 17-03-2026			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Odbor za energetiku, rudarstvo i industriju Predstavničkog doma Parlamenta Federacije Bosne i Hercegovine 11. 3. 2026. godine održao je 24. sjednicu Odbora. Sjednici Odbora prisustvovalo je sedam članica i članova Odbora, tako da su ispunjeni uslovi u pogledu kvoruma i odlučivanja.

Na 24. sjednici Odbora za energetiku, rudarstvo i industriju Predstavničkog doma Parlamenta FBiH predložen je i jednoglasno usvojen sljedeći:

DNEVNI RED

1. Usvajanje zapisnika sa 21. i 23. sjednice Odbora za energetiku, rudarstvo i industriju,
2. Informacija o poslovanju i upravljačkoj strukturi privrednog društva Aluminij d.d. Mostar, koju je uputio Vedran Lakić, federalni ministar energije, rudarstva i industrije, broj: 01/15-02-1716/25 od 7. 1. 2026. godine,
3. Inicijativa "Da plin dođe do svake fabrike u Zeničko-dobojskom kantonu", koju su podnijeli Ministarstvo za privredu Zeničko-dobojskog kantona i Privredna komora Zeničko-dobojskog kantona, broj: 01-02-128/26 od 18. 1. 2026. godine,
4. Amandman na član 5. Nacrta zakona o izmjenama i dopunama Zakona o naftnim derivatima u FBiH iz aprila 2025. godine, koji je uputila Regulatorna komisija za energiju u FBiH (FERK), broj: 01/15-02-116/25 od 25. 2. 2026. godine,
5. Tekuća pitanja:
 - a) Razmatranje prijedloga za organiziranje tematske sjednice Odbora za energetiku, rudarstvo i industriju Predstavničkog doma Parlamenta FBiH, u saradnji sa Federalnim ministarstvom energije, rudarstva i industrije, o temi: "Razmatranje stanja u energetskom sektoru Federacije Bosne i Hercegovine".

Na osnovu člana 44. stav 2. i 48., a u vezi sa članom 70. Poslovnika Predstavničkoga doma Parlamenta Federacije BiH, Odbor podnosi sljedeći:

IZVJEŠTAJ

Ad-1

Usvajanje zapisnika sa 21. i 23. sjednice Odbora za energetiku, rudarstvo i industriju



Zapisnici sa 21. i 23. sjednice Odbora za energetiku, rudarstvo i industriju jednoglasno su usvojeni.

Ad-2

Informacija o poslovanju i upravljačkoj strukturi privrednog društva Aluminij d.d. Mostar, koju je uputio Vedran Lakić, federalni ministar energije, rudarstva i industrije, broj: 01/15-02-1716/25 od 7. 1. 2026. godine

Uvodno izlaganje o navedenoj tački dnevnog reda dao je gosp. Darko Pranjić, predstavnik Federalnog ministarstva energije, rudarstva i industrije. Odbor je konstatovao da je predmetnu Informaciju dostavio Vedran Lakić, federalni ministar energije, rudarstva i industrije, aktom broj 01/15-02-1716/25 od 7. 1. 2026. godine, a u vezi sa Zaključkom Odbora broj 01/15-02-1716/25-3 od 22. 9. 2025. godine.

Odbor je razmotrio predmetnu Informaciju i jednoglasno usvojio sljedeće:

ZAKLJUČKE

1. Odbor za energiju, rudarstvo i industriju primio je na znanje Informaciju o poslovanju i upravljačkoj strukturi privrednog društva Aluminij d.d. Mostar, koju je uputio Vedran Lakić, federalni ministar energije, rudarstva i industrije, broj: 01/15-02-1716/25 od 7. 1. 2026. godine,
2. Odbor za energiju, rudarstvo i industriju predlaže da Vlada Federacije Bosne i Hercegovine i Federalno ministarstvo energije, rudarstva i industrije ponovo provjere da li su ispunjeni svi uslovi za realizaciju Ugovora o poslovnoj saradnji između privrednog društva Aluminij d.d. Mostar i Aluminij Industries/Industrije d.o.o..

Ad-3

Inicijativa "Da plin dođe do svake fabrike u Zeničko-dobojskom kantonu", koju su podnijeli Ministarstvo za privredu Zeničko-dobojskog kantona i Privredna komora Zeničko-dobojskog kantona, broj: 01-02-128/26 od 18. 1. 2026. godine

Predsjednica Privredne komore Zeničko-dobojskog kantona gđa Diana Babić detaljno je informisala Odbor za energetiku, rudarstvo i industriju u vezi sa Inicijativom "Da plin dođe do svake fabrike u Zeničko-dobojskom kantonu", koju su podnijeli Ministarstvo za privredu Zeničko-dobojskog kantona i Privredna komora Zeničko-dobojskog kantona, pod brojem: 01-02-128/26 od 18. 1. 2026. godine. Vezano uz navedenu tačku dnevnog reda, Odbor je informisao i gosp. Vedran Lakić, federalni ministar energije, rudarstva i industrije, o svim aktivnostima na realizaciji gasifikacije koje je Federalno ministarstvo energije, rudarstva i industrije pokrenulo tokom prošle.



Odbor je razmotrio predmetnu Inicijativu i jednoglasno usvojio sljedeće:

ZAKLJUČKE

1. Odbor podržava Inicijativu „*Da plin dođe do svake fabrike u Zeničko-dobojskom kantonu*“, koju su podnijeli Ministarstvo za privredu Zeničko-dobojskog kantona i Privredna komora Zeničko-dobojskog kantona, broj: 01-02-128/26 od 18. 1. 2026. godine, jer je neophodno da se planirani gasovod iskoristi kao dodatni motor razvoja privrede Zeničko-dobojskog kantona, entiteta i države, na način da se na taj gasovod priključi cjelokupan Zeničko-dobojski kanton, kako bi svaka fabrika u ZDK mogla koristiti gas kao energent za svoje nesmetano poslovanje.
2. Odbor je konstatovao da je Federalno ministarstvo energije, rudarstva i industrije tokom prošle godine pokrenulo aktivnosti na realizaciji projekta gasifikacije Zeničko-dobojskog kantona te da će u narednom periodu Federalno ministarstvo energije, rudarstva i industrije nastaviti raditi zajedno s nadležnim institucijama na daljoj realizaciji ovog projekta, s ciljem unapređenja energetske infrastrukture, sigurnosti snabdijevanja gasom i poboljšanja kvaliteta života građana.“

Ad-4

Amandman na član 5. Nacrta zakona o izmjenama i dopunama Zakona o naftnim derivatima u FBiH iz aprila 2025. godine, koji je uputila Regulatorna komisija za energiju u FBiH (FERK), broj: 01/15-02-116/25 od 5. 11. 2025. godine

Uvodno izlaganje o navedenoj tački dnevnog reda dao je gosp. Samir Hadžihusejnović, član Regulatorne komisije za energiju u FBiH. Vezano za predmetni Amandman, Odbor je izvijestio i Eldar Hukić, predstavnik Federalnog ministarstva energije, rudarstva i industrije

Odbor za energetiku, rudarstvo i industriju konstatovao je da je na 4. vanrednoj sjednici Odbora razmatran Prijedlog zakona o izmjenama i dopunama Zakona o naftnim derivatima u Federaciji Bosne i Hercegovine, po hitnom postupku, te da je predmetni Zakon usvojen 28. 5. 2025. godine na 21. redovnoj sjednici Predstavničkog doma, kao i na sjednici Doma naroda Parlamenta Federacije Bosne i Hercegovine, održanoj 16. 6. 2026. godine. Odbor je primio na znanje Amandman na član 5. Nacrta zakona o izmjenama i dopunama Zakona o naftnim derivatima u FBiH iz aprila 2025. godine, koji je uputila Regulatorna komisija za energiju u FBiH (FERK), broj: 01/15-02-116/25 od 5. 11. 2025. godine.

Ad-4

Tekuća pitanja:

- a) ***Razmatranje prijedloga za organiziranje tematske sjednice Odbora za energetiku, rudarstvo i industriju Predstavničkog doma Parlamenta FBiH, u saradnji sa Federalnim ministarstvom energije, rudarstva i industrije, o temu: “Razmatranje stanja u energetskom sektoru Federacije Bosne i Hercegovine”***



Federalni ministar energije, rudarstva i industrije, gosp. Vedran Lakić, upoznao je članove Odbora sa prijedlogom za organizovanje tematske sjednice Odbora za energetiku, rudarstvo i industriju koja bi se, u saradnji sa Federalnim ministarstvom energije, rudarstva i industrije, održala o temi: „Razmatranje stanja u energetsom sektoru Federacije Bosne i Hercegovine“.

Nakon razmatranja predložene tačke dnevnog reda, Odbor je jednoglasno donio sljedeći

ZAKLJUČAK

Tematska sjednica Odbora za energetiku, rudarstvo i industriju, u saradnji sa Federalnim ministarstvom energije, rudarstva i industrije, održat će se 2. aprila 2026. godine, sa temom: „*Razmatranje stanja u energetsom sektoru Federacije Bosne i Hercegovine*“.

Odbor će zajedno sa Federalnim ministarstvom energije, rudarstva i industrije izvršiti pripremu i organizaciju tematske sjednice, uključujući pripremu odgovarajućih materijala, kao i pozivanje relevantnih institucija i predstavnika stručne javnosti.

Za izvjestitelja u Predstavničkom domu Parlamenta FBiH određen je gosp. Kadrija Hodžić, predsjednik Odbora.

PREDSJEDNIK ODBORA

Kadrija Hodžić